




"Dan sal jou lig deurbreek soos die dageraad en jou genesing skielik uitspruit; en jou geregtigheid sal voor jou uit gaan, die heerlikheid van die HERE jou agterhoede wees."

27 November 2022

WAT IS DIE KLEUR VAN MY HART

Rooi hart: Ware en langdurige liefde (romanties).

Oranje hart: Vriendelik.

Geel hart: Vriendskap.

Groen hart: Verwant aan gesondheid, hoop en natuur.

Blou hart: Vertroue en sekuriteit.

Pers hart: Priesterlik / Fisiese aantrekkingskrag.

Swart hart: Hartseer of 'n donker sin vir humor.

Wit hart: Vrede

Drie Tipes Harte

1. Verharde hart
2. Versoenende hart
3. Veranderde hart

Hand 13:22

En nadat Hy hom afgesit het, het Hy Dawid vir hulle verhef as koning, van wie Hy ook gesê en getuig het: Ek het Dawid, die seun van Ísai, gevind, 'n man na my hart, wat al my welbehae sal doen.

Hoekom is Dawid man na God se hart?

- *Hy het sy wilsbesluite uitgevoer. Dawid se hart het God volkome vertrou. Berouvolle hart. Dawid was nie sonder sonde nie.*

1 Samuel 25

1953

Dood van Samuel. Dawid se handelwyse teenoor Nabal en Abígail.

1En Samuel het gesterwe, en die hele Israel het saamgekom en oor hom gerouklaag en hom begrawe in sy huis in Rama. En Dawid het hom klaargemaak en afgetrek na die woestyn Paran.

2En daar was 'n man in Maon wat sy boerdery in Karmel gehad het, en die man was baie vermoënd: hy het drieduisend skape en duisend bokke gehad, en hy was besig om sy skape te skeer in Karmel.

- *Nabal was boer en baie ryk man.*

3En die naam van die man was Nabal, en die naam van sy vrou Abígail; en die vrou het 'n goeie verstand gehad en was mooi van aansien; maar die man was grof en boosaardig, en hy was 'n Kalebiet.

- *Man was rof en onbeskof en vrou was mooi en verstandig.*

4Toe Dawid in die woestyn hoor dat Nabal sy skape skeer,

5stuur Dawid tien jongmanne, en Dawid sê aan die jongmanne: Trek op na Karmel en gaan by Nabal in en vra hom in my naam na die welstand;

6en so moet julle aan die welvarende sê: Mag dit goed gaan met u sowel as met u huis, en goed gaan met alles wat u besit.

7En nou, ek het gehoor dat u skeerders het; nou ja, u wagters was met ons saam; ons het hulle nie beledig nie, en hulle het ook niks vermis al die dae wat hulle in Karmel was nie.

8Vra u dienaars, en hulle sal u dit te kenne gee; laat dus die jongmanne guns vind in u oë, want ons het op 'n vrolike dag gekom; gee tog wat u byderhand het aan u dienaars en aan u seun Dawid.

- *Dawid het met mooi houding gevra vir bydrae.*

9Toe het die jongmanne van Dawid gekom en met Nabal in naam van Dawid volgens al hierdie woorde gespreek en verder afgewag.

10Maar Nabal het die dienaars van Dawid geantwoord en gesê: Wie is Dawid? En wie is die seun van Ísai? Daar is vandag baie dienaars wat hulle losskeur, elkeen van sy heer af.

11Sou ek dan my brood en my water en my slaggoed wat ek vir my skeerders geslag het, neem en aan manne gee van wie ek nie weet waar hulle vandaan kom nie?

12Daarop het die jongmanne van Dawid omgedraai op hulle pad, hulle het teruggekeer en aangekom en hom berig gebring volgens al hierdie woorde.

- *Nabal het nie geweet van Dawid nie. Hy was baie arogant (omdat hy ryk was?) Die Here hou nie van die eie ek of arogansie nie. Nabal beteken “dwaas”.*

13Toe sê Dawid aan sy manne: Gord julle elkeen sy swaard aan! Hulle gord toe elkeen sy swaard aan — Dawid het ook sy swaard aange Gord — en hulle trek agter Dawid op, omtrent vierhonderd man, terwyl tweehonderd by die pakgoed bly.

- *Hoe reageer Dawid? Hy is woedend. Hy is tipiese koning. Hy is reg om oorlog te gaan maak. Hy is reg om Nabal en sy hele familie uit te wis.*

14Maar aan Abígail, die vrou van Nabal, het een van die jongmanne berig gebring en gesê: Kyk, Dawid het boodskappers uit die woestyn gestuur om ons heer te begroet, maar hy het teen hulle uitgevaar.

- *1 - Nabal se verharde hart*
- *2 – Abigail se versoenende hart. Sy wil oorlog te stop. Deur goedheid.*
- *3 – Koninghart se veranderde hart.*

15Tog was die manne vir ons baie goed; ook is ons nie beledig nie, en ons het niks vermis al die dae wat ons saam met hulle rondgetrek het toe ons in die veld was nie.

16Hulle was 'n muur om ons, snags sowel as bedags, al die dae wat ons die skape by hulle opgepas het.

17En nou moet u self ondersoek en kyk wat u moet doen; want die onheil is vas besluit oor ons heer en oor sy hele huis; maar hy self is so 'n deugniet dat jy nie met hom kan praat nie.

- *Goedheid is 'n besluit of jy gaan goed optree. Goedheid kom uit God se hart*

18Toe het Abígail gou tweehonderd brode geneem en twee sakke wyn en vyf toebereide skape en vyf mate gebraaide koring en honderd rosynekoeke en tweehonderd vyekoeke en dit op esels gesit.

19En sy het aan haar jongmanne gesê: Trek voor my uit; kyk, ek kom dadelik agter julle aan. Maar aan haar man Nabal het sy niks te kenne gegee nie.

- *Hart van versoening Jeremia 31:22 – “Hoe lank sal jy nog hink op twee gedagtes, ontroue dogter? Die Here gaan iets nuuts op aarde laat gebeur: 'n Vrou sal 'n man beskerm.” God het die vrou nuut gemaak om die man aan te vul. Die vrou was nie nagedagtenis nie. sy was beplan.*

20En terwyl sy op die esel ry en in 'n kloof van die berg afdaal, kom Dawid en sy manne meteens af haar tegemoet, sodat sy hulle teëgekom het.

21Dawid het al gedink: Net verniet het ek alles wat aan hierdie man behoort, in die woestyn beskerm, sodat daar nooit iets van sy goed vermis is nie; en hy vergeld my kwaad vir goed.

22 Mag God so aan die vyande van Dawid doen en so daaraan toedoen, as ek van almal wat aan hom behoort, tot môre een laat oorbly wat manlik is.

- *Alle manlikes gaan sterf*

23 Toe Abígail Dawid sien, het sy gou van die esel afgeklim en voor Dawid op haar aangesig neergeval en na die aarde toe gebuig.

- *Dawid moes gestruikel het oppad na die oorlog toe. Ek het dit in my hande om die oorlog te stop.*

24 En sy het voor sy voete neergeval en gesê: Op my, my heer, rus die skuld, maar laat u dienaress tog voor u ore mag spreek, en luister na die woorde van u dienaress.

25 My heer moet hom tog nie steur aan daardie deugniet van 'n man, aan Nabal nie; want soos sy naam is, so is hy; sy naam beteken dwaas, en dwaasheid is by hom. Maar wat my betref, u dienaress het my heer se jongmanne wat u gestuur het, nie gesien nie.

26 En nou, my heer, so waar as die Here leef en u siel leef, dit is die Here wat u teruggehou het om in bloedsuld te geraak en u met eie hand te help; mag dan nou u vyande en die wat onheil soek teen my heer, soos Nabal word.

27 En laat nou hierdie geskenk wat u dienaress vir my heer gebring het, aan die jongmanne gegee word wat op my heer se voetspore rondtrek.

28 Vergeef tog die oortreding van u dienaress, want die Here sal sekerlik vir my heer 'n bestendige huis stig, omdat my heer die oorloë van die Here voer en in u hele lewe in u geen kwaad gevind is nie.

- *Dis in jou en my hand om goedheid aan mense te bewys*

29 As 'n mens opstaan om u te agtervolg en u lewe te soek, mag die siel van my heer dan saamgebind wees in die bondeltjie van die lewendes by die Here u God; maar mag Hy die siel van u vyande uit die holte van die slinger wegslinger.

30 En as die Here aan my heer sal doen volgens al die goeie wat Hy aan u beloof het, en u aanstel as vors oor Israel,

31 dan sal daar vir u geen struikelblok en vir my heer geen gewetenswroeging wees dat u sonder oorsaak bloed vergiet het en my heer homself hulp verskaf het nie; en as die Here goed sal doen aan my heer, moet u aan u dienaress dink.

- *Goedheid verander mense se lewens. Ons dade – nie goeie preke nie.*

32 Toe sê Dawid vir Abígail: Geseënd is die Here, die God van Israel, wat jou vandag my tegemoet gestuur het!

33 En geseënd jou verstandigheid en geseënd jy self wat my vandag teëgehou het om in bloedsuld te geraak en my met eie hand te help.

34 Maar so waar as die Here, die God van Israel, leef wat my verhinder het om aan jou kwaad te doen — as jy my nie gou tegemoetgekom het nie, voorwaar, daar sou van Nabal niemand wat manlik is, tot die môrelik oorgebly het nie!

35 En Dawid het uit haar hand aangeneem wat sy vir hom gebring het, en vir haar gesê: Gaan op in vrede na jou huis! Kyk, ek het na jou geluister en jou in guns aangeneem.

- *Die 'n vrou se ingryping word klomp mense se lewens gespaar. Ps 114:8 – “wat die rots verander het in 'n waterplas, die keisteen in 'n waterfontein! God het 'n rots verander dat daar water uitkom.*

36 Toe Abígail by Nabal kom, het hy juis 'n maaltyd in sy huis aangerig soos die maaltyd van 'n koning; en Nabal se hart was vrolik in hom, en hy was baie dronk; daarom het sy hom niks, klein of groot, meegedeel totdat dit die môre lig word nie.

- *Nabal het groot partytjie gehou, was dronk en weet nie van wat Abigail gedoen het nie.*

37Maar die môre vroeg toe die wyn Nabal verlaat het, deel sy vrou hom dié dinge mee. Daarop het sy hart in sy binneste gesterwe en was hy soos 'n klip.

- *Nabal se hart is van klip. Pasop vir hardheid van die hart – dis nie goed vir jou gesondheid nie. Nabal het hartaanval gehad.*

38En ná omtrent tien dae het die Here Nabal getref, sodat hy gesterf het.

- *Nabal sterf aan hartaanval 10 dae later.*

39Toe Dawid hoor dat Nabal dood was, sê hy: Geseënd is die Here wat die regspraak, in die smaad my aangedoen, teen Nabal verdedig het en sy kneg teruggehou het van die kwaad, terwyl die Here die kwaad van Nabal op sy eie hoof laat neerkom het. En Dawid het by Abígail aansoek laat doen om haar vir hom as vrou te neem.

40Toe het die dienaars van Dawid by Abígail gekom in Karmel en met haar gespreek en gesê: Dawid stuur ons na u om u vir hom as vrou te neem.

41En sy het opgestaan en met haar aangesig na die aarde gebuig en gesê: Hier is u dienaar as slavin om die voete van my heer se dienaars te was.

42Abígail maak toe gou klaar, en sy het op die esel gery met haar vyf diensmeisies wat op haar voetspoor volg, en agter die boodskappers van Dawid aangegaan. En sy het sy vrou geword.

43Dawid het ook Ahínoam uit Jísreël geneem, sodat hulle altwee sy vroue geword het.

44Maar Saul het sy dogter Migal, die vrou van Dawid, gegee aan Palti, die seun van Lais, wat uit Gallim was.

- *Ons het sleutel van goedheid om mense se hart te verander.*
- *Baie keer kom jy met die beste intensies, maar haar man sterf nog steeds aan sy hart. Nog steeds kom mense en eet jou van agteraf op.*

Ps 51:10-12

TPT

David's Consecration

10Keep creating in me a clean heart. Fill me with pure thoughts and holy desires, ready to please you.

11May you never reject me! May you never take from me your sacred Spirit!

12Let my passion for life be restored, tasting joy in every breakthrough you bring to me. Hold me close to you with a willing spirit that obeys whatever you say.

Gal 6:9

En laat ons nie moeg word om goed te doen nie, want op die regte tyd sal ons maai as ons nie verslap nie.

- *Moenie moeg word om goed te doen nie.*

Onse Vader, skep in my 'n nuwe hart! 'n hart van omgee.